

續修四庫全書

《續修四庫全書》編纂委員會編

續修四庫全書

上海古籍出版社

九六三・子部・兵家類

武備志二百四十卷（卷一至卷七十五）

〔明〕茅元儀撰

一

武備志敘

茅止生童子時散家粟數萬石賑
荒義聲聞天下已攻舉子業古文
辭爲東南名士冠居恒念國家御
宇歷四戊申而羸金甌無缺萬曆
間東夷西夏播滇告變幸而勝之

武備志李序

一

日狃宴安武事不講氣運乘除必
有豐敗慷慨激烈思所以振長策
而銷亂萌聞者或目爲狂抑謂奢
闊之談無何奴酋陷撫順我師出
討敗績元戎及朝鮮從征部曲百
夫長而上死者六百人士馬以澤

量若蕉乃與孝廉宋獻孺上書當

路言兵事邊事蓋且三年而其操
心危慮患深所撰武備志始成書
懸國門見者稍稍奇之矣志大綱
五爲兵訣爲戰略爲陣練制爲軍
資乘爲占度載其目百八十有奇

武備志李序

二

有圖有說天時地利人和無不審
諦翔實可裨緩急其自序云士大
夫不習兵之故有五易而自翫狹
而自用震而自棄惰而自窘昧而
自陷深中膏肓之疾夫奴酋覬覦
遼非一日已併毛憐諸衛取其勅

印又割海西之半而重賄北虜收土蠻爲助奪地界逋貢市增車價一切無如之何彼目中寧有我耶憊頓之餘計安遼莫如守而善守者遭齟齬去賊已沒瀋陽遼陽朝議尚泄泄以起廢爭論皆于遼事

武備志李序

三

無所短長之人甚且借遼引進私昵撫臣領兵寄安危係焉率取諸素貴要人目不知邊與虜爲何狀姑嘗試之而植黨恣臆失任怨任勞之臣竟不敢問除河北賊易除朝中賊難豈不信哉止生從祖父

來世有祿位於朝多倖儻大節未竟其施是以眷眷國恩爲綢繆桑土計令志早行三年有成寧渠一敗塗地至此奴酋往入寇殺戮彰威抄掠滿載而還頃據遼陽我之堅城深池火器諸械悉爲彼有扼

武備志李序

四

金復海蓋通漕之地因糧于我遼首尾受敵薊門兵將出關關內山隘小道可入虜騎者不但一喜峰口降夷開門納奴酋其心旣二將乘隙內訌而關腹背受敵宣大河南山東西撫臣提兵移鎮聽援人

心動搖奸黠蠢動如仁義中興真
命諸賊勢所必有而畿表裏受敵
天下事岌岌乎殆哉賴
宗廟社稷之靈遼以北無虞是志
也亡羊補牢猶爲未晚也

昔

武備志李序

五

天啓元年辛酉仲夏南京太常寺

卿京山李維楨譔



武備志序

歸安茅君止生纘其大父鹿門先
生父二岑先生之業旣彬彬然以
文學世其家矣挾筴游兩都所至
與其賢士大夫議論相上下亡不
人人以通材投分與君友而君精

武備志顧序

練朝典飭洽治術幾如古之王儉
崔寔之流而又明於當世之務抵
掌而談天下大計卽久在交戟內
者自視恒不如嘗試與筴成敗程
得失又亡不如燭炤數計而簪卜
也鹿門先生當嘉靖中感倭變究

極兵家之學其書多秘諸枕中君自少得而私習之比長而志在四方蒿目時事所至訪其奇材劍客與之討論而肄習故于兵家者言得以批其肯綮而探其渾奧卽嘖啗宿將與君語又亡不願奉韃橈

武備志願序

二

而北面君者自頃遼左之事起薦紳先生思欲佐

明主撻伐之威往往相首而畫兵事顧介冑所肄人視若老生之常談而其他奇經秘牒又多散見于蠹簡深扃于名山未有能網羅而

得其大全者君廼慨然出其篋中書以生平之所學畫者門分戶列手自排纘且與友人傳君遠度輩揚摧而論次之自兵訣至占度凡爲部者五爲目者一百八十有四爲卷者二百有四十爲言者二百

武備志願序

三

餘萬而古今所載兵家者言亡不有以提其要而鉤其玄陳其道而列其器苞而舉之亡遺蘊矣旣成名之曰武備志乃函其目以示余而屬爲之弁余方負病卧林中從几上試一目之睥睨而未能乙也

金版珠鈐之秘君旣已不惜盡剖
之余又何以酬君問乃姑敘君所
爲著述之大指撮其厓略書之
今天子方繼千歲之統維萬世之
安而東夷匪茹數逆執事之顏行
以侵敗王略至厓

武備志顧序

四

當宁拊髀而太息今且日

御法官召諸大臣計所以伸九伐

訖

天討者君之此書令誠得備

乙夜之覽真可以毗贊

廟謨決勝千里之外諸薦紳先生

得此書而研味之所資以運帷幄
之籌借前鄰之箸者不啻如握寶
符而祠黃石所謂虜在吾目中此
之謂也君之有功于當世者何其
偉哉雖然君方且跨騰風雲拓其
祖父未竟之緒黼蒂

武備志顧序


五

鴻業揚光紫微不刊之典垂諸日
月將不可爲量數茲志其玄豹之
一斑也遂欲執韜鈴以赤幟異君
淺之乎知君者矣

昔

天啓元年辛酉夏日南京吏部右

侍郎江寧顧起元撰



武備志序

予嘗習龍門蘭臺言網羅散失摭
撫典則觀示來者無所不受職矣
兵家之言闕如也豈兵陰道也非
以明民將故愚之抑建元元始間
犁庭空幕威靈殫於武服黔首如

武備志張序

在湯火噉然喪其樂生之心於勢
不能譎諫於分不敢直書使人於
儻蕩忽恍之間默示其不言之教
耶我

神宗皇帝久道化成壬癸間輔臣
講求史學開局授簡庀事編纂予

從友人茅止生所讀河渠典禮經籍職官諸志彬彬質有其文而兵家言闕如也於是建夷匪茹墮名城係旄倪躡撫順逼瀋陽劬宿將止生有憂之中外罷閒將吏思露一奇倩子墨客卿條上方略瑣尾

武備志張序

不中率當事者式怒蛙獎進當車之螳臂老馬爲駒不顧其後止生益憤發思有所寄其公忠退而志武備繕寫其序目寄予霞城蓋爲卷二百四十爲評爲考者二爲制爲乘爲載者各一離之爲條件爲

小序者百有數十而武事明如繁星之麗天聚米之指掌矣昔衛靈之問陣也吾夫子退然以未學對今亡論夾谷一會仡仡壯猷所刪贊修定六經易之師書之苗之胤詩之干城之彤弓之六月之采薇

武備志張序

采芑春秋之伐之戰或以羽舞文告潤干戈之猛或以韜鈴技擊要盟誓之成雖兵氣之光不能銷爲日月血流漂杵未免寢至江河夫子痛之夫子不諱言武也且也筆不盡筆削不盡削使其門人素嫻

文學如游如夏不得贊一辭若曰
彼惡知武備而亦因以爲戒云爾
他日居夷則曰何陋浮海則曰其
由夫豈無備而能若是故曰吾志
在春秋後之儒者不明乎夫子之
志匡坐而說詩書皐比而講周易

武備志張序

9

卻敵而恃正心誠意退虜而口誦
孝經鄙韋跗爲麤人笑鑿鑿爲噲
伍低言緩視以養望繩趨矩步以
邀名國日衰制日亂法日刻敝而
若人者奉頭蒙面藏身鱗甲之間
不距不躍姝姝煖煖夫治天下亦

安用此拘儒爲哉予嘗謂宓犧八
卦皆兵符也河圖洛書皆兵數也
金木水火土皆兵資也耰鋤弧矢
皆兵器也井田狩獵皆兵法也風
雅頌皆兵中之饒歌露布也樽俎
壇坫籩豆大房皆兵事之坐作進

武備志張序

五

退周旋上下也戰陣者陰陽之律
也勝負者消長之機也雷霆之嘽
嘽焞焞者天保日升月恒之轉局
也旣書此質成止生而并以爲武
備志導若夫歷代兵制之沿革與
我

祖宗神機京營之事宜金匱石室
寧無一二流落人間與其過而廢
之也旁加勾稽小有緒正成一家
言予竊有志而未之逮也止生家
世鼎貴所知交皆大父行名下士
才氣可驅使馬班而其所序述義

武備志張序

六

例謹嚴紀律整暇不數中壘青藜
臨叩憤鼻心血嘔於此志梓材不
惜子錢勉旃無南向讓三西向讓
再無令後世爲我武不揚明無人
哉止生序志僑寓鍾山
高皇帝實式靈焉予聞孟堅草創

漢書也縣官勿忍葑廢更給筆札
卒成之進爲正史夫志則史之流
而武備又始終乎文德者也事之
殷也志之行也不寧倒屣問奇戶
屢恒滿奴運不長漢過不先必將
有底按成算者禽薙獸獮裕如也

武備志張序

七

戰勝之賀不在廟謨而在草澤逢
掖此書告成之日矣

昔

天啓辛酉夏日浙江提刑按察使
司副使蘭陵張師繹撰



武備志序

竊聞之自黃帝涿鹿之役而天下始開兵又二千餘年至春秋戰國時而其言始盛然龐襍紛鴛莫之齊也至漢而始命秘閣掄次之然其言分而不合又將千年而爲宋

武備志郎序

一

神宗時始命曾宣靖公亮開館編輯爲武經總要然其言偏而不全又將四百年而爲本朝孝宗時馬端肅文升始欲申明其學然僅能傳宣靖之書而未能廣也又將二百年而防風茅子

元儀始輯武備志其分部五曰兵訣評曰戰略考曰陣練制曰軍資乘曰占度載全于宋合于漢自黃帝以來之言無不具也而又出于獨手成于壯年古今之編纂家莫或踰也書成爲

武備志郎序

二

今上天啓之辛酉東師敗績天下岌岌然憂兵余作而告茅子曰務學者致用師古者濟今敢以國家之憂質之吾子茅子憮然曰儀世服朝寵幼憤國弱故學其學而欲以拓疆闢宇暢

二祖之遐威今東夷小醜乘虛前徂遂以爲執事憂然儀不得用其身欲人用其言以雪

國之辱故不量而纂述豈敢一日忘世哉然今之道無他反其用而已吾之首兵訣者如醫之探肺腑

武備志郎序

三

論脉理也次戰略者如醫之舉舊案宗往法也次陣練者如醫之辨藥性講泡製也次軍資者如醫之分寒溫定丸散也終占度者如醫之考壯弱斷死生也然必先考其壯弱斷其死生而後可以分寒溫

定丸散欲分寒溫定丸散然後藥性泡製之方如是而志有所疑則以往事叅之智有所窮則以往事通之以是而合之肺腑受病之原脉理精微之際莫不符也余蹶然起曰吾知之矣今日之事占氣

武備志郎序

四

之所旺度地之所要以爲之基然後究軍資之實明陣練之法以濟夫用則因機而應之古之善將者其揆一也雖聖人復起不能易也天之祚明我知之矣乃識而弁之

昔

天啓辛酉夏日雲南澂江府知府

同郡郎文煥撰



武備志郎序

五

武備志序

防風茅子輯武備志獻得觀厥成
焉其大凡五曰兵訣評十八卷曰
戰略考三十一卷曰陣練制四十
一卷曰軍資乘五十五卷曰占度
載九十六卷合爲二百四十卷其

武備志宋序

一

析目一百八十有六其爲言二百
萬其所採之書二千餘種而秘圖
寫本不與焉破先人之藏書垂萬
卷而四方之搜討傳借不與焉其
爲日凡十五年而畢志一慮則始
于萬曆己未竟于天啓辛酉書成

獻序之序曰豐塙境下弗崩也流行潦至壞必先之樹膚垓淺弗櫪也風怒雨號拔必先之故記曰上牲損則用下牲下牲損則祭不備以其舛之在乎素也書曰惟事事乃有其備有備無患况于武乎放

武備志宋序

二

勳戢千史曰乃武偃服漢東豚食楚虎以其備之不待用也以其忘之是以亡也嗚呼今之天下尚忍言哉見豕負塗載鬼一車今之備也不備則需乎震與在床下喪其資斧今之渙命也命不渙則恃乎

良係用微纆寘于叢棘今之勢也今之勢尚忍言哉詩不云乎維此聖人瞻言百里惟彼愚人覆狂以喜今夫白羽若月赤羽若日鐘鼓之音上聞乎天旌旗翩翩翻下蟠于地甫出近郊僵尸齊丘誰之過歟

武備志宋序

三

不備故也昔者新莽將士百萬授甲者四十二萬人虎豹犀象爲之衛言兵者六十三家爲之佐然而敗于昆陽者人心不固故也今純祐濺浹幾三百年民耕分域之田工受高曾之矩苟非豺狼孰爲獸

散乃縣官武嬉積歲莫計執事醉
詩書之殘潘事邐豆之有司蹶張
材官隸而役之人不自好亦復淪
胥八政之師星昭日皎莫或剔之
孰能繹之吁嗟四顧彼醜之彊夫
抗弦驟騎戎狄之性固心決膽不

武備志宋序

四

如昔雄殉利赴色戎狄之情略遠
計大不如昔雄且風雨之驟電雷
之轟中原之所遜也而遲回瞻顧
失其性合黨連部長驅無顧中原
之所畏也而戀微乖衆失其情枯
而使摧朽而使拉弱夫能之不備

其堅以張敵氣我實與之嗚呼今
之天下尚忍言哉雖然猶可爲也
水火相息二女同居此兩虜之勢
也因其勢緩其圖急其備大君有
命開國承家小人弗用此天子之
渙命也輯其成因而致之弗勞而

武備志宋序

五

功倍君子豹變小人革面此天下
之備也盡天下而備之何有于小
醜茅子之志則蓋矣其言述而不
作詩曰昔吾有先正其言明且清
國家以寧都邑以成庶民以生誰
能秉國成不自爲正卒勞百姓最